

დევილთა და ეკომიგრანტთა თვითდასაქმების ხელშეწყობის  
საგრანტო პროგრამა

განმახორციელებელი უწყება: სსიპ - დევილთა, ეკომიგრანტთა და  
საარსებო წყაროებით უზრუნველყოფის სააგენტო

# 2020 წელი

## სარჩევი

შესავალი .....	3
1. პროგრამის მიზანი .....	4
2. პროგრამის შედეგი .....	4
3. პროგრამის აღწერა .....	4
3.1. საგრანტო განაცხადების წარმოდგენა .....	5
3.2. საგრანტო განაცხადების შემოწმება და განხილვა .....	7
3.2.1. საკვალიფიკაციო მოთხოვნები .....	8
3.2.2. შეფასების კრიტერიუმები .....	8
3.3. გამარჯვებული საგრანტო განაცხადის გამოვლენა .....	11
3.4. პროგრამის გავრცელების არეალი .....	12
3.5. პროგრამის ხანგრძლივობა .....	12
4. პროგრამის ბიუჯეტი .....	13
5. პროგრამის შეფასება და მონიტორინგი .....	13
5.1. პროგრამის შეფასება .....	13
5.2. პროგრამის მონიტორინგი .....	13

## შესავალი

საქართველოს ოკუპირებული ტერიტორიებიდან იძულებით გადაადგილებული პირები - დევნილები (შემდგომში - დევნილი) და სტიქიური მოვლენების შედეგად დაზარალებული და გადაადგილებას დაქვემდებარებული ოჯახები (ეკომიგრანტი) მოსახლეობის ერთ-ერთ ყველაზე მოწყვლად ფენას წარმოადგენენ, რომლებიც სახელმწიფოსგან განსაკუთრებულ მიდგომასა და მხარდაჭერას საჭიროებენ.

განათლება, მათ შორის პროფესიული განათლება და პროფესიული განათლებით თვითდასაქმება წარმოადგენს სოციალურ-ეკონომიკური ინტეგრაციის ერთ-ერთ მდგრად საშუალებას. ამ მიზნით, სსიპ - დევნილთა, ეკომიგრანტთა და საარსებო წყაროებით უზრუნველყოფის სააგენტო (შემდგომში - სააგენტო), საქართველოს მთავრობის 2020 წლის 22 ივნისის N1046 განკარგულებით დამტკიცებული “იძულებით გადაადგილებულ პირთათვის – დევნილთათვის და სტიქიური მოვლენების შედეგად დაზარალებული და გადაადგილებას დაქვემდებარებული (ეკომიგრანტი) ოჯახებისათვის საარსებო წყაროებზე ხელმისაწვდომობის უზრუნველყოფის სტრატეგიის განხორციელების 2020-2021 წლების სამოქმედო გეგმის“ (შემდეგში - სამოქმედო გეგმა) საფუძველზე, ახორციელებს „დევნილთა და ეკომიგრანტთა თვითდასაქმების ხელშეწყობის საგრანტო პროგრამას“ (შემდგომში - პროგრამა).

წინამდებარე პროგრამა განკუთვნილია დევნილებისა და იმ ეკომიგრანტი ოჯახის წევრებისთვის, რომლებზედაც საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა მინისტრის 2013 წლის 13 ნოემბრის N779 ბრძანების შესაბამისად, გამოცემულია საცხოვრებელი ფართით დაკმაყოფილების შესახებ ბრძანება (შემდგომში - ეკომიგრანტი).

## 1. პროგრამის მიზანი

პროგრამის ზოგადი მიზანია, დევნილთა და ეკომიგრანტთა სოციალურ-ეკონომიკური ინტეგრაციის ხელშეწყობა და მათი საარსებო მდგომარეობის გაუმჯობესება, თვითდასაქმების პერსპექტივის შექმნის გზით.

პროგრამის კონკრეტული მიზანია, დევნილთა და ეკომიგრანტთა თვითდასაქმების ხელშეწყობა მათთვის სახელობო იარაღების გადაცემის გზით. ისევე, როგორც დევნილთა და ეკომიგრანტთა შორის პროფესიული განათლების პოპულარიზაცია.

## 2. პროგრამის შედეგი

პროგრამის განხორციელების შედეგად, 100 დევნილი და ეკომიგრანტი, რომელიც არის სახელმწიფო პროფესიული საგანმანათლებლო დაწესებულების 2013-2020 სასწავლო წლების კურსდამთავრებული და/ან ამავე წლების, სახელმწიფოს მიერ აღიარებული პროფესიული მომზადებისა და პროფესიული გადამზადების პროგრამის კურსდამთავრებული და/ან ამავე წლების, სსიპ - დასაქმების ხელშეწყობის სახელმწიფო სააგენტოს „სამუშაოს მაძიებელთა პროფესიული მომზადება-გადამზადებისა და კვალიფიკაციის ამაღლების სახელმწიფო პროგრამის“ სერტიფიცირებული ბენეფიციარი, პროგრამის შესაბამისად, მიიღებს სახელობო იარაღებს დამოუკიდებელი საქმიანობის წამოსაწყებად ან გასაუმჯობესებლად.

## 3. პროგრამის აღწერა

საქართველოს განათლების, მეცნიერების, კულტურისა და სპორტის სამინისტროსთან და სახელმწიფო პროფესიულ საგანმანათლებლო დაწესებულებებთან თანამშრომლობით, განისაზღვრა თვითდასაქმებადი პროფესიათა ჩამონათვალი (**დანართი N1**). პროგრამის ბიუჯეტის გათვალისწინებით, დევნილი და ეკომიგრანტი, რომელიც არის სახელმწიფო პროფესიული საგანმანათლებლო დაწესებულების 2013-2020 სასწავლო წლების კურსდამთავრებული და/ან ამავე წლების, სახელმწიფოს მიერ აღიარებული პროფესიული მომზადება/გადამზადების პროგრამის კურსდამთავრებული და/ან ამავე წლების, სსიპ - დასაქმების ხელშეწყობის სახელმწიფო სააგენტოს „სამუშაოს მაძიებელთა პროფესიული მომზადება - გადამზადებისა და კვალიფიკაციის ამაღლების სახელმწიფო პროგრამის“ სერტიფიცირებული ბენეფიციარი და ფლობს პროგრამის N1 დანართით განსაზღვრულ პროფესიას, თვითდასაქმების ხელშეწყობისა და შემოსავლის წყაროს გაჩენის მიზნით, გრანტის სახით მიიღებს სახელობო იარაღ(ებ)ს.

ერთ განმცხადებელს შეუძლია მოითხოვოს არაუმეტეს 3 ნივთი, რომელთა შესახებ განმცხადებელმა უნდა წარმოადგინოს არანაკლებ 1 ინვოისი. ინვოისით გათვალისწინებული სახელობო იარაღების ერთეულის ღირებულება უნდა იყოს არანაკლებ 150 ლარი, ხოლო ჯამური ღირებულება - არაუმეტეს 2 000 ლარის. ნაკრების შექმნა დასაშვებია, იმ შემთხვევაში, თუ ნაკრები მოიცავს ქარხნულად შეკრებილ ერთგვაროვან ნივთებს.

პროგრამის ფარგლებში, შესაძენად მოთხოვნილი ნივთი ხელმისაწვდომი უნდა იყოს საქართველოს მასშტაბით.

დაფინანსებას არ ექვემდებარება:

ა) საბრუნავი კაპიტალი; სახარჯი მასალა და სხვა ნებისმიერი სახის საქონელი, რომელიც არ წარმოადგენს ძირითად საშუალებას, ანუ ქონებას, რომლის გამოყენების ვადაც ერთ წელზე ნაკლებია;

ბ) უძრავი ქონების შესყიდვასთან, ქირასთან, იჯარასთან ან ქონების სხვა ნებისმიერი მართლზომიერი ფორმით ფლობასთან დაკავშირებული ხარჯი;

გ) მეორადი ნივთების შექმნა;

დ) ნივთები, რომელიც არ წარმოადგენს განმცხადებლის პროფესიის სახელობო იარაღებს.

### 3.1. საგრანტო განაცხადების წარმოდგენა

პროგრამის განხორციელების პროცესში, განისაზღვრება საგრანტო განაცხადების მიღების ვადა, რომელიც არ შეიძლება იყოს ერთ თვეზე ნაკლები. განაცხადები მიიღება წელიწადში ორჯერ, 50 – 50 განმცხადებლის დაფინანსების მიზნით. განაცხადების მიღების კონკრეტული თარიღები განისაზღვრება სააგენტოს დირექტორის შესაბამისი ინდივიდუალურ ადმინისტრაციულ-სამართლებრივი აქტით.

პროგრამაში მონაწილეობისათვის, დაინტერესებულმა დევნილმა და ეკომიგრანტმა უნდა შეავსოს პროგრამის ფარგლებში შემუშავებული საგრანტო განაცხადი (**დანართი N2**) და თანდართულ დოკუმენტაციასთან ერთად წარმოადგინოს სააგენტოში ან სააგენტოს ტერიტორიულ სამმართველოებში, შემდეგ მისამართებზე:

1. ქ. თბილისი, თამარაშვილის ქ. N15ა;
2. ქ. გორი, სამების ქუჩა N1;
3. ქ. რუსთავი, ცურტაველის ქ. N5ა;
4. ქ. ქუთაისი, ირ. აბაშიძის გამზ. N27;
5. ქ. ზუგდიდი, დ. აღმაშენებლის ქ. N106.

ან შევსებული და დასკანერებული სახით, თანდართულ დოკუმენტებთან ერთად გამოგზავნოს სააგენტოს ოფიციალურ ელექტრონულ ფოსტაზე: [info@idp.gov.ge](mailto:info@idp.gov.ge).

საგრანტო განაცხადს თან უნდა ერთოდეს შემდეგი დოკუმენტაცია:

1. განმცხადებლის პასპორტის ან პირადობის მოწმობის ასლი;
2. N1 დანართით გათვალისწინებული პროფესიის კვალიფიკაციის დამადასტურებელი დოკუმენტი (დიპლომი ან ცნობა სასწავლებლიდან პროფესიის, სწავლის დასრულების თარიღისა და დიპლომირებულის მითითებით - სახელმწიფო პროფესიული საგანმანათლებლო დაწესებულების დასრულების შემთხვევაში; სერტიფიკატი - სახელმწიფოს მიერ აღიარებული პროფესიული მომზადება/გადამზადების პროგრამის დასრულების შემთხვევაში; სერტიფიკატი ან ცნობა სასწავლებლიდან პროფესიისა და სწავლის დასრულების თარიღის მითითებით, მასზედ, რომ განმცხადებელმა პირმა ნადვილად დაასრულა პროფესიული მომზადება-გადამზადებისა და კვალიფიკაციის ამალღების სახელმწიფო პროგრამის ფარგლებში პროფესიული პროგრამა და არის სერტიფიცირებული - სსიპ - დასაქმების ხელშეწყობის სახელმწიფო სააგენტოს „სამუშაოს მაძიებელთა პროფესიული მომზადება-გადამზადებისა და კვალიფიკაციის ამალღების სახელმწიფო პროგრამის“ სერტიფიცირებული ბენეფიციარის შემთხვევაში);
3. საგრანტო განაცხადების მიღების ვადაში გაცემული 1 ინვოისი ყველა სახელობო იარაღზე, რომლის შექმნაც მოთხოვნილია წარმოდგენილი საგრანტო განაცხადით. ინვოისი უნდა მოიცავდეს სახელობო იარაღის მახასიათებელს, მოდელსა და ღირებულებას;
4. სურვილისამებრ, განმცხადებლის მოწყვლადობის დამადასტურებელი დოკუმენტაცია:
  - ა) იმ შემთხვევაში, თუ განმცხადებელი რეგისტრირებულია სოციალურად დაუცველი ოჯახების მონაცემთა ერთიან ბაზაში და მისი ოჯახისთვის მინიჭებული სარეიტინგო ქულა ნაკლებია 100,001-ზე, საგრანტო განაცხადს თან უნდა დაერთოს საგრანტო განაცხადების მიღების ვადაში აღებული ამონაწერი სოციალურად დაუცველი ოჯახების მონაცემთა ერთიანი ბაზიდან, სარეიტინგო ქულის მითითებით;
  - ბ) იმ შემთხვევაში, თუ განმცხადებელი შეზღუდული შესაძლებლობის მქონე პირია ან ჰყავს შშმ ოჯახის წევრი, საგრანტო განაცხადს თან უნდა დაერთოს შესაბამისი პირის შესაძლებლობის შეზღუდვის სტატუსის დამდგენი დოკუმენტი ან სსიპ -სოციალური მომსახურების სააგენტოდან საგრანტო განაცხადების მიღების ვადაში აღებული ცნობა;
  - გ) იმ შემთხვევაში, თუ განმცხადებელი მარჩენალდაკარგულია, უნდა წარმოადგინოს ცნობა სსიპ - სოციალური მომსახურების სააგენტოდან იმის მითითებით, რომ ოჯახი მარჩენალდაკარგულია, რის გამოც არასრულწლოვან შვილს (შვილებს) დანიშნული აქვს სოციალური პაკეტი;

დ) თუ განმცხადებელი მართხელა მშობელია, სტატუსის დასადასტურებლად უნდა წარმოადგინოს შვილ(ებ)ის დაბადების მოწმობის ასლ(ებ)ი, თუ მამის მონაცემები არ არის დაფიქსირებული; თუ მამის მონაცემები დაფიქსირებულია შვილ(ებ)ის დაბადების მოწმობაში დედის მითითების საფუძველზე, დაბადების მოწმობის ასლთან ერთად უნდა წარმოადგინოს სსიპ - სახელმწიფო სერვისების განვითარების სააგენტოს მიერ საგრანტო განაცხადების მიღების ვადაში გაცემული ცნობა, მართხელა მშობლის სტატუსის არსებობის შესახებ.

საგრანტო განაცხადით გათვალისწინებული საქმიანობის სპეციფიკიდან გამომდინარე, საკვალიფიკაციო მოთხოვნებთან შესაბამისობის დადგენის ან/და საგრანტო განაცხადის შეფასებისთვის, საჭიროების შემთხვევაში მოთხოვნილი იქნება დამატებითი დოკუმენტაციის წარმოდგენა. დოკუმენტაციის წარმოდგენლობის შემთხვევაში, განაცხადი დარჩება განუხილველი.

დაინტერესებულ დევნილსა და ეკომიგრანტს შეუძლია წარმოადგინოს მხოლოდ ერთი საგრანტო განაცხადი, ერთი პროფესიის მიმართულებით თვითდასაქმების მიზნით.

### 3.2. საგრანტო განაცხადების შემოწმება და განხილვა

წარმოდგენილ საგრანტო განაცხადს ამოწმებს სააგენტოს საარსებო წყაროებით უზრუნველყოფის დეპარტამენტი (შემდგომში - დეპარტამენტი) და განიხილავს პროგრამის ფარგლებში შექმნილი საგრანტო კომისია „საჯარო სამართლის იურიდიული პირის - დევნილთა, ეკომიგრანტთა და საარსებო წყაროებით უზრუნველყოფის სააგენტოს მიერ გრანტის გაცემის წესის“ შესაბამისად.

დეპარტამენტი უზრუნველყოფს წარმოდგენილი საგრანტო განაცხადების შემოწმებას და ადგენს რამდენად შესაბამისია პროგრამის საკვალიფიკაციო მოთხოვნებთან.

დეპარტამენტი უფლებამოსილია, საჭიროების შემთხვევაში, შემოწმების ეტაპზე, განმცხადებელს განუსაზღვროს ვადა არაუმეტეს 10 კალენდარული დღის ოდენობით და მოსთხოვოს მას საგრანტო განაცხადში დაშვებული ტექნიკური ხარვეზის გამოსწორება, სავალდებულოდ წარმოსადგენი ან დამატებითი დოკუმენტაციის წარდგენა ან/და ინფორმაციის დაზუსტება. ამავდროულად, მოთხოვნილი დოკუმენტაცია პირდაპირ უნდა იყოს დაკავშირებული პროგრამის მიზნების განხორციელებასთან. განმცხადებელს უფლება აქვს მიიღოს ინფორმაცია, რა მიზნით ითხოვს დეპარტამენტი დოკუმენტაციის წარდგენას. აღნიშნულის თაობაზე, სააგენტოსა და განმცხადებელს შორის კომუნიკაცია შესაძლებელია როგორც წერილობითი, ისე სატელეფონო და ელექტრონული შეტყობინებით. სატელეფონო შეტყობინების შემთხვევაში, საგრანტო განაცხადის გარეკანზე უნდა გაკეთდეს შესაბამისი მინიშნება შეტყობინების თარიღის მითითებით.

დეპარტამენტი არ გადასცემს საგრანტო კომისიას განაცხადს განსახილველად და იღებს გადაწყვეტილებას განაცხადის განუხილველად დატოვების შესახებ, თუ ის არ აკმაყოფილებს საკვალიფიკაციო მოთხოვნებს ან განმცხადებელმა განსაზღვრულ ვადაში არ აღმოფხვრა ტექნიკური ხარვეზი ან/და არ დააზუსტა ან/და არ წარმოადგინა მოთხოვნილი დოკუმენტაცია/ინფორმაცია; განმცხადებელმა ნებაყოფლობით უარი განაცხადა საგრანტო კონკურსში მონაწილეობაზე; არსებობს სხვა ობიექტური გარემოება, რის გამოც განაცხადის განხილვას შედეგი არ ექნება.

### 3.2.1. საკვალიფიკაციო მოთხოვნები

პროგრამის საკვალიფიკაციო მოთხოვნები, რომელსაც ამოწმებს დეპარტამენტი:

1. საგრანტო განაცხადი წარმოდგენილია დადგენილ ვადაში, ხელმოწერილია, შევსებულია სრულყოფილად და თანდართულია წარმოსადგენი დოკუმენტაცია; მათ შორის, საგრანტო განაცხადის წარმოდგენის შემდეგ მოთხოვნილი დამატებითი დოკუმენტაცია;
2. განმცხადებელი არის დევნილის აქტიური სტატუსის მქონე ან იმ ეკომიგრანტი ოჯახის წევრი, რომლებზედაც საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა მინისტრის 2013 წლის 13 ნოემბრის N779 ბრძანების შესაბამისად, უფლებამოსილი კომისიის მიერ მიღებულია დადებითი გადაწყვეტილება საცხოვრებელი სახლით უზრუნველყოფის თაობაზე;
3. განმცხადებელი არის სახელმწიფო პროფესიული საგანმანათლებლო დაწესებულების 2013-2020 სასწავლო წლების კურსდამთავრებული და/ან ამავე წლების, სახელმწიფოს მიერ აღიარებული პროფესიული მომზადებისა ან პროფესიული გადამზადების პროგრამის კურსდამთავრებული და/ან ამავე წლების, სსიპ - დასაქმების ხელშეწყობის სახელმწიფო სააგენტოს „სამუშაოს მაძიებელთა პროფესიული მომზადება-გადამზადებისა და კვალიფიკაციის ამაღლების სახელმწიფო პროგრამის“ სერტიფიცირებული ბენეფიციარი და ფლობს NI დანართით გათვალისწინებულ პროფესიას;
4. საგრანტო განაცხადით მოთხოვნილია არაუმეტეს 3 სახელობო იარაღის შეძენა არაუმეტეს 2 000 ლარის ღირებულების ფარგლებში. ამასთანავე, ერთი ნივთის ღირებულება არ უნდა იყოს 150 ლარზე ნაკლები;
5. წარმოდგენილ განაცხადზე დადებითი გადაწყვეტილების მიღება არ ეწინააღმდეგება გრანტის თაობაზე საქართველოს კანონმდებლობას.

### 3.2.2. შეფასების კრიტერიუმები

შემოწმების ეტაპის წარმატებით გავლის შემდეგ, სააგენტო უზრუნველყოფს განმცხადებლების მონიტორინგს. მონიტორინგის განხორციელების შემდეგ, დეპარტამენტი წარმოდგენილ საგრანტო განაცხადებს გადასცემს საგრანტო კომისიას, რომელიც განიხილავს და აფასებს შეფასების კრიტერიუმებით და ავლენს გამარჯვებულებს.



საგრანტო განაცხადი ფასდება განაცხადში მითითებული ინფორმაციისა და მონიტორინგის ანგარიშის გათვალისწინებით. თითოეულ კრიტერიუმს მინიჭებული აქვს შესაბამისი ქულა. კომისიის მიერ ხმათა უმრავლესობით თითოეულ შეფასების კრიტერიუმზე დაიწერება შესაბამისი ქულა. იმ შემთხვევაში, თუ რომელიმე კომისიის წევრი არ ეთანხმება ხმათა უმრავლესობით გადაწყვეტილ ქულას, აღნიშნულის თაობაზე აისახება ოქმში. ქულათა მაქსიმალური რაოდენობაა 12. გამარჯვებულად გამოვლინდება ყველაზე მაღალი ქულის მქონე განმცხადებლები, თუმცა, გამარჯვებულად ვერ გამოვლინდება განმცხადებელი, რომელიც მიიღებს 6-ზე დაბალ ქულას. წარმოდგენილი განაცხადების გათვალისწინებით, კომისია უფლებამოსილია დადგინდეს მინიმალური ქულის ზღვარი შეცვალოს. გადაწყვეტილების მიღების დროს, მხედველობაში იქნება მიღებული მხარდაჭერისთვის არსებული ფინანსური რესურსი.

სააგენტოს გადაწყვეტილებით, შესაძლოა, საგრანტო კომისიის სხდომაში მონაწილეობა მიიღოს განმცხადებელმაც, რომელიც საგრანტო კომისიას წარუდგენს საკუთარ ინიციატივას და ასაბუთებს შესაძენად მოთხოვნილი სახელობო იარაღების საჭიროებას. აღნიშნულის უზრუნველსაყოფად, დეპარტამენტი განმცხადებელს იწვევს საგრანტო კომისიის სხდომაზე. განმცხადებლის სურვილის შემთხვევაში, საგრანტო კომისია გაესაუბრება მას ტექნიკური საშუალების გამოყენებით. განმცხადებლის სხდომაზე გამოუცხადებლობის, ტექნიკური საშუალების გამოყენებით გასაუბრების შეუძლებლობის ან განმცხადებლის მიერ გასაუბრებაზე უარის თქმის შემთხვევაში, საგრანტო კომისია საგრანტო განაცხადს აფასებს მხოლოდ არსებული დოკუმენტაციის საფუძველზე.

საგრანტო განაცხადი ფასდება განაცხადში მითითებული ინფორმაციის, მონიტორინგის ანგარიშისა და განმცხადებლის მიერ კომისიის სხდომაზე მიღებული ინფორმაციის გათვალისწინებით.

შეფასების კრიტერიუმები:

N	კრიტერიუმი	ქულა	განმარტება
<b>კვალიფიკაცია და გამოცდილება</b>			
1	განმცხადებლის კვალიფიკაცია და პროფესიით მუშაობის/სტაჟირებაზე ყოფნის გამოცდილება	2	განმცხადებელს აქვს კვალიფიკაცია ან/და სამუშაო/სტაჟირებაზე ყოფნის გამოცდილება, რომელიც საკმარისია საქმიანობის განხორციელებისათვის.
		1	განმცხადებელს აქვს კვალიფიკაცია ან/და სამუშაო/სტაჟირებაზე ყოფნის გამოცდილება, რომელიც არასაკმარისია საქმიანობის განხორციელებისათვის.

		0	განმცხადებელს არ აქვს კვალიფიკაცია ან/და სამუშაო/სტაჟირებაზე ყოფნის გამოცდილება საქმიანობის წარმართვისთვის.
	<b>სახელობო იარაღების საჭიროება</b>		
2	განმცხადებლის მიერ შესაძენად მოთხოვნილი სახელობო იარაღების საჭიროება თვითდასაქმებისთვის	2	შესაძენად მოთხოვნილი სახელობო იარაღების საჭიროა თვითდასაქმებისთვის.
		1	შესაძენად მოთხოვნილი ნივთები მეტნაკლებად საჭიროა თვითდასაქმებისთვის.
		0	შესაძენად მოთხოვნილი ნივთების გარეშე, შესაძლებელია საქმიანობის წარმართვა. მოცემულ მომენტში არ დგას მათი შეძენის აუცილებლობა.
	<b>რისკები</b>		
3	განმცხადებლის დამოკიდებულება საქმიანობის შესაძლო შემაფერხებელ გარემოებებზე და მათ შემცირების/აღმოფხვრის გზებზე	2	განმცხადებელს გააზრებული აქვს საქმიანობის შემაფერხებელი გარემოებები; იცის, როგორ მოახდინოს მათი შემსუბუქება ან/და თავიდან აცილება.
		1	განმცხადებელს გააზრებული აქვს შემაფერხებელი გარემოებები, თუმცა არ აქვს ნაფიქრი, როგორ მოახდინოს მათი შემსუბუქება ან/და თავიდან აცილება.
		0	განმცხადებელს არ აქვს გააზრებული შესაძლო რისკები. შესაბამისად, არ აქვს ნაფიქრი მათ შემსუბუქებას ან/და თავიდან აცილებაზე.
	<b>განხორციელებადობა</b>		
4	საგრანტო განაცხადით გათვალისწინებული იდეას რეალურობა, განხორციელებადობა და გრანტის მიზნობრივად გამოყენება	2	განმცხადებელს კარგად აქვს ჩამოყალიბებული, გააზრებული ის საქმიანობა, რის განხორციელებასაც აპირებს; იდეა რეალურია და მაღალია გრანტის მიზნობრივად გამოყენებისა და იდეის წარმატებით განხორციელების შესაძლებლობა.
		1	განმცხადებელს მეტნაკლებად აქვს გააზრებული ის საქმიანობა, რის განხორციელებასაც აპირებს; იდეა მეტნაკლებად რეალურია და შესაძლოა გრანტის მიზნობრივად გამოყენება და იდეის განხორციელება.
		0	განმცხადებელს ნათლად არ აქვს ჩამოყალიბებული, გააზრებული საქმიანობა/მისი იდეა არარეალურია ან/და დაბალია გრანტის მიზნობრივად გამოყენებისა და იდეის განხორციელების შესაძლებლობა.

მდგრადობა			
5	განმცხადებლის საქმიანობის შეფასება, განხორციელების ადგილი, საშუალება; გასაღების ბაზარი; პოტენციური მომხმარებლები; კონკურენტები და განმცხადებლის უპირატესობა მათთან შედარებით; საქმიანობის გაუმჯობესების/განვითარების შესაძლებლობა და სხვა.	2	არსებული ინფორმაციის გათვალისწინებით, საქმიანობა იქნება მდგრადი.
		1	არსებული ინფორმაციის გათვალისწინებით, საქმიანობის მდგრადობა შესაძლებელია.
		0	არსებული ინფორმაციის გათვალისწინებით, საქმიანობის მდგრადობას საფრთხე ემუქრება
ფინანსური მხარე			
6	ფინანსური გათვლების რეალურობა და გაუმჯობესებული საარსებო მდგომარეობა	2	კომისიის წევრის შეფასებით, განმცხადებლის მიერ მოყვანილი ფინანსური გათვლები რეალურია და სრულყოფილად არის გააზრებული. გრანტის მიღების შემთხვევაში, შრომა შეუმსუბუქდება ან/და მაღალია ფინანსური მდგომარეობის გაუმჯობესების შესაძლებლობა.
		1	კომისიის წევრის შეფასებით, განმცხადებლის მიერ მოყვანილი ფინანსური გათვლები რეალურია, თუმცა, სრულყოფილად არ არის გააზრებული.
		0	განმცხადებელს არ აქვს გააზრებული საქმიანობის ფინანსური ნაწილი და/ან მის მიერ მოყვანილი ფინანსური გათვლები არ არის რეალური ან/და გრანტის მიღების შემთხვევაში, არ იკვეთება არც შრომის შემსუბუქება, არც ფინანსური მდგომარეობის გაუმჯობესება.

საგრანტო განაცხადის შეფასებისას გათვალისწინებული იქნება განმცხადებლის მოწყვლადობა, თუმცა დამატებითი ქულა მინიჭებული არ იქნება. მოწყვლად განმცხადებელს მიენიჭება უპირატესობა თანაბარი ქულის დაგროვების შემთხვევაში. მოწყვლადობის დასადასტურებლად საგრანტო განაცხადთან ერთად წარმოდგენილი უნდა იყოს წინამდებარე პროგრამის 3.1. პუნქტში გათვალისწინებული მოწყვლადობის დამადასტურებელი დოკუმენტაცია.

### 3.3. გამარჯვებული საგრანტო განაცხადის გამოვლენა

პროგრამის ფარგლებში, გამარჯვებულად გამოვლინდება ყველაზე მაღალი ქულის მქონე საგრანტო განაცხადები, პროგრამისათვის განკუთვნილი ფინანსური რესურსის ფარგლებში.

შესაბამისი სპეციალისტის რეკომენდაციის საფუძველზე, კომისია უფლებამოსილია დააკორექტიროს განმცხადებლის მოთხოვნა, იმ შემთხვევაში, თუ მოთხოვნილი ნივთი კონკრეტული პროფესიის მქონე განმცხადებლისათვის არ წარმოადგენს სახელობო იარაღს.

კომისიის მიერ დადებითი და უარყოფითი გადაწყვეტილების მიღების შემდეგ, დირექტორი გამოსცემს შესაბამის ინდივიდუალურ ადმინისტრაციულ-სამართლებრივ აქტს.

საჭიროებისამებრ, დეპარტამენტის მოთხოვნის შემთხვევაში, გამარჯვებულად გამოვლენილი ბენეფიციარები შესაბამისი შეტყობინების მიღების შემდეგ, ვალდებული არიან წარუდგინონ დეპარტამენტს 3 ინვოისი საგრანტო კომისიის მიერ დასაფინანსებლად განსაზღვრულ ნივთებზე, მახასიათებლების, მოდელისა და ღირებულების მითითებით. ინვოის(ებ)ის წარმოდგენლობის შემთხვევაში, დეპარტამენტი უფლებამოსილია საგრანტო კომისიასთან შეთანხმებით, გააუქმოს განმცხადებლის გამარჯვებულად გამოვლენის შესახებ მიღებული გადაწყვეტილება.

სააგენტო საქართველოს კანონმდებლობის შესაბამისად დააფინანსებს გამარჯვებული ბენეფიციარების მიერ საგრანტო განაცხადით მოთხოვნილი ნივთების შეძენას. შეძენის შედეგად, შესაძლებელია თითოეულ ბენეფიციარისთვის შეძენილმა ნივთების ჯამურმა ღირებულებამ გადააჭარბოს განსაზღვრული თანხის ზღვრებს, თუმცა, აღნიშნულმა გავლენა არ უნდა მოახდინოს პროგრამის ჯამურ ბიუჯეტზე. იმ შემთხვევაში, თუ ბაზარზე ფასების ცვლილების გათვალისწინებით, შესაძენი ნივთების ღირებულება აჭარბებს პროგრამის ბიუჯეტს, საგრანტო კომისიის რეკომენდაციის საფუძველზე, სააგენტო უფლებამოსილია განიხილოს პროგრამის ბიუჯეტის ცვლილების საკითხი შესაბამისი საბიუჯეტო ასიგნებების არსებობის ფარგლებში.

გამარჯვებულებსა და სააგენტოს შორის ფორმდება საგრანტო ხელშეკრულება. გამარჯვებული ვალდებულია მიღებული სახელობო იარაღ(ებ)ი გამოიყენოს პროგრამის მიზნის შესაბამისად, საგრანტო ხელშეკრულების ხელმოწერიდან არანაკლებ 2 წლის განმავლობაში.

### **3.4. პროგრამის გავრცელების არეალი**

პროგრამა ვრცელდება საქართველოს მთელ ტერიტორიაზე.

### **3.5. პროგრამის ხანგრძლივობა**

სამოქმედო გეგმის თანახმად, პროგრამა ხორციელდება 2020-2021 წლებში. პროგრამის ხანგრძლივობა შეიძლება შეიცვალოს ზემოთხსენებული სამოქმედო გეგმის მიხედვით.

## 4. პროგრამის ბიუჯეტი

2021 წლისათვის პროგრამისათვის დადგენილი ბიუჯეტია 200 000 ლარი. დაფინანსება ხორციელდება საქართველოს კანონმდებლობის შესაბამისად სააგენტოსათვის გამოყოფილი, ყოველწლიური, შესაბამისი საბიუჯეტო ასიგნებებიდან.

## 5. პროგრამის შეფასება და მონიტორინგი

პროგრამის მონიტორინგისა და შეფასების ზოგადი მიზანია, დადგინდეს მიღწეულ იქნა თუ არა პროგრამის მიზანი და საჭიროა თუ არა პროგრამაში გარკვეული ცვლილების შეტანა, რომელიც შემდგომში სააგენტოს დაეხმარება მიზნით უკეთ მიღწევაში.

მონიტორინგი მიზნად ისახავს ერთი მხრივ, პროგრამის ბენეფიციართა მუდმივ კონტროლს, მეორე მხრივ კი პროგრამის ბიუჯეტით გათვალისწინებული თანხის არამიზნობრივი ხარჯვის თავიდან აცილებას.

შეფასების მიზანია, პროგრამის სუსტი და ძლიერი მხარეების გამოვლენა და საჭიროების შემთხვევაში, 2021 წლისათვის პროგრამაში განსახორციელებელი ცვლილებებისათვის დასაბუთებული რეკომენდაცი(ებ)ის შემუშავება.

### 5.1. პროგრამის შეფასება

პროგრამის შეფასება განხორციელდება მომდევნო წლის განმავლობაში. პროგრამის შეფასების მიზნით შემუშავდება სპეციალური კითხვარები, რომელთა მიხედვითაც, მოხდება პროგრამის ბენეფიციართა გამოკითხვა. აღნიშნული კვლევის შედეგების ანალიზის შედეგად, გამოვლინდება პროგრამის სუსტი და ძლიერი მხარეები და საჭიროების შემთხვევაში, შემუშავდება რეკომენდაციები პროგრამის უფრო ეფექტურად განხორციელებისთვის.

### 5.2. პროგრამის მონიტორინგი

პროგრამის ფარგლებში, განხორციელდება როგორც პირველადი, ისე შემდგომი მონიტორინგი 2 წლის განმავლობაში. პირველადი მონიტორინგის მიზანია, დადგინდეს საგრანტო განაცხადით მოთხოვნილი სახელობო იარაღების შესყიდვის აუცილებლობა და შეფასდეს პროექტის განხორციელებადობა, მდგრადობის საკითხის გათვალისწინებით. პირველადი მონიტორინგი ხორციელდება როგორც სავალე ვიზიტების, ასევე სატელეფონო კომუნიკაციის გზით. პირველადი მონიტორინგის კონკრეტული სახე შეირჩევა წარმოდგენილი საგრანტო განაცხადის შინაარსიდან და არსებული საჭიროებიდან გამომდინარე.

შემდგომი მონიტორინგი განხორციელდება მხოლოდ დაფინანსებულ ბენეფიციარებთან. მისი მიზანია, შემოწმდეს გრანტის ფარგლებში გადაცემული სახელობო იარაღების მიზნობრივად გამოყენების ფაქტი და შეფასდეს გაუმჯობესებული საარსებო მდგომარეობა.